

四庫全書薈要

• 乾隆御覽本

史部

欽定四庫全書薈要

史部

資治通鑑卷一百十一

詳校官編修臣汪鏞



資治通鑑卷一百一十 宋 司馬光 撰

胡三省 音註

晉紀三十二

著 庾闕
茂 一年

安皇帝乙

隆安二年春正月燕范陽王德自鄴帥戶四萬南徙滑

臺

帥讀曰
率下同

魏衛王儀入鄴收其倉庫追德至河弗及趙

王麟上尊號於德

上時
掌翻

德用兄垂故事稱燕王

事見一
百五卷

孝武太元九年改永康三年為元年以統府行帝制

統府者諸方鎮皆統

於燕王府行帝制者稱制以行事

置百官以趙王麟為司空領尚書令

慕容法為中軍將軍慕容興拔為尚書左僕射丁通為右

僕射麟復謀反德殺之

慕容麟背父叛兄姦詐反覆天下其誰能容之復扶又翻

庾子魏王珪自中山南巡至高邑得王永之子憲喜曰

王景略之孫也以為本州中正

王猛青州北海劇縣人太康中分劇屬東莞郡

晉東莞屬徐州晉書載記以北海劇縣書之蓋猛自占漢郡縣也然家於魏郡而隱於華陰田是歸秦其子求鎮幽州從苻丕戰死於襄陵故憲流寓高邑今魏以為本州中正則未得青徐蓋使之銓叙東夏人士耳
領

選曹事兼掌門下

選曹吏部尚書之職門下侍中常侍給事黃門之職選須絹翻

至鄴

置行臺

鄭樵曰行臺自魏晉有之晉文王討諸葛誕散騎常侍裴秀尚書僕射陳泰以行臺從東海王

越帥衆也許昌以行臺自隨後以龍驤將軍日南公和

跋為尚書與左丞賈彞帥吏兵五千人鎮鄴

自漢光武委任尚書

事歸臺間謂尚書省曰尚書臺晉惠帝西遷長安置留臺於洛陽主留事於是有留臺之名至拓跋氏置行臺隨其所置掌一道之事魏書官氏志內入諸姓有素和氏後改為和氏驥思將翻珪自鄴還中

山將北歸發卒萬人治直道

治直翻

自望都鑿恒嶺至代

五百餘里

恒嶺恒山之嶺也在上曲陽西北即倒馬關路晉書地道記謂之鴻上關沈括曰北岳恒

山今謂之大茂山者是也岳祠舊在山下石晉之後稍遷近裏今其地謂之神棚今祠乃在曲陽祠北有望岳亭新晴氣清則望見大茂飛狐路在大茂之西自銀冶寨北出倒馬關却自石門子令水鋪入餅形梅回兩寨之間至代州然沈括所謂代州乃鴈門也自此亦可至魏之代都但恐非直道耳口水經註祁夷水出平舒縣東東北流逕蘭亭南又東北逕石門關北舊道出中山故關也魏土地記代城西九里有平舒城此則古代城也恒戶

珪恐已既去山東有變復置行臺於中山

復扶登翻

命衛王儀鎮之以撫軍大將軍略陽公遵為尚書左僕射鎮勃海之合口右將軍尹國督租于冀州聞珪將北還謀襲信都安南將軍長孫嵩執國斬之

長知兩翻

燕啓

倫還至龍城

去年寶遣啓崙南觀形勢倫當作崙音盧昆胡

言中山已陷燕主

寶命罷兵遼西王農言於寶曰今遷都尚新未可南征

宜因成師襲庫莫奚取其牛馬以充軍資更審虛實俟

明年而議之寶從之己未北行庚申渡洸洛水

洸洛水蓋即洸

樂水也賢曰水在今營州北唐太宗時奚內附置饒樂都督府

會南燕王德遣侍郎李

延詣寶言涉珪西上

西上謂自中山取恒嶺而西歸雲代也上時掌翻

中國空

虛延追寶及之寶大喜即日引還辛酉魏王珪發中

山徙山東六州吏民雜夷十餘萬口以寶代

此漢高帝徙關東豪

保以實閭博陵勃海章武羣盜竝起

漢時章武城屬勃海平舒縣界晉武

帝泰始元年置章武國後為郡隋廢屬瀛州入平舒縣

略陽公遵等討平之廣川

太守賀賴盧性豪健

廣川縣前漢屬信都國後漢屬清河郡晉屬勃海郡後分為廣川郡

守式又翻

恥居冀州刺史王輔之下襲輔殺之驅勒守兵掠

陽平頓丘諸郡南渡河奔南燕南燕王德以賴盧為并

州刺史封廣甯王西秦王乾歸遣乞伏蓋州攻涼支

陽鷁武允吾三城克之

支陽允吾皆漢古縣屬金城郡鷁武城當在二縣之間張寔分

支陽屬廣武郡允吾蓋仍為金城郡治所劉昫曰唐蘭州廣武縣漢枝陽縣鄯州龍支縣漢允吾縣允吾晉鉉

牙虜萬餘人而去 燕主寶還龍城宮詔諸軍就頓

者頓

軍行頓
舍之地

不聽罷散文武將士皆以家屬隨駕

駕謂車駕
猶漢人言

乘輿
也

遼西王農長樂王盛切諫

樂音洛

以為兵疲力弱魏

新得志未可與敵宜且養兵觀釁寶將從之撫軍將軍

慕輿騰曰百姓可與樂成難與圖始

用商鞅語
意樂音洛

今師衆

已集宜獨決聖心乘機進取不宜廣采異同以沮大計

沮在
呂翻

寶乃曰吾計決矣敢諫者斬二月乙亥寶出就頓

留盛統後事已卯燕軍發龍城慕輿騰為前軍司空農

為中軍寶為後軍相去各一頓

觀下文連營百里蓋三十里為一頓

連營

百里壬午寶至乙連長上段速骨宋赤眉等因衆心之

憚征役遂作亂

凡衛兵皆更番迭上長上者不番代也唐官制懷化執戰長上歸德執戰長上

皆武散階九品長上之官尚矣上時掌翻

速骨等皆高陽王隆舊隊共逼隆

子高陽王崇為主殺樂浪威王宙中牟熙公段誼及宗

室諸王

樂浪音洛琅

河間王熙素與崇善崇擁佑之故獨得

免燕主寶將十餘騎犇司空農營農將出迎左右抱其

腰止之曰宜小清澄

言衆方亂如水之濁濁宜少俟其定如水之清澄不可輕出也

不

可便出農引刀將斫之遂出見寶又馳信追慕輿騰癸

未寶農引兵還趣大營

大營謂寶營也

討連骨等農營兵亦厭

征役皆棄仗走

以佚道使民雖勞不怨以生道殺民雖死不怨殺者遠是鮮有不敗者也騰

營亦潰寶農奔還龍城長樂王盛聞亂引兵出迎寶農

僅而得免

會稽王道子忌王殷之逼

會工外翻

以譙王尚

之及弟休之有才略引為腹心尚之說道子曰今方鎮

彊盛宰相權輕宜密樹腹心於外以自藩衛道子從之

以其司馬王愉為江州刺史都督江州及豫州之四郡

軍事用為形援日夜與尚之謀議以伺四方之隙

為庾楷說

王殷復舉兵張本說

魏王珪如繁時宮

繁時縣屬屬門郡魏築宮

輸芮翻同相吏翻

於此天平初置繁時郡隋復為縣唐屬代州時音止

給新徙民田及牛珪畋於白

登山

鄒道元曰今平城東十七里有臺即白登臺臺南對岡阜即白登山

見熊將數子

古師

曰將謂率領也讀如字

謂冠軍將軍于栗磾曰

冠古玩翻磾丁奚翻

卿名勇

健能搏此乎對曰獸賤人貴若搏而不勝豈不虛斃一

壯士乎乃驅至珪前盡射而獲之

射而亦翻

珪顧謝之秀容

川酋長爾朱羽健從珪攻晉陽中山有功拜散騎常侍

環其所居割地三百里以封之

此北秀容也為爾朱榮亂魏張本爾朱榮傳云

羽健之先世為部落酋帥居爾朱川因氏焉珪初以南

秀容川原衍沃欲令居之羽健曰家世奉國給侍左右

北秀容既在剋內差近京師宜以沃墦更遷遠地珪許

之則北秀容蓋近平城也環音官酋慈由翻長知兩翻

散慈重翻騎柔然數侵魏邊

數所

尚書中兵郎李先請

奇寄翻下同

擊之珪從之大破柔然而還

還從宣翻又如字

楊軌以其司

馬郭綿為西平相帥步騎二萬北赴郭麀禿髮烏孤遣

其弟車騎將軍倂檀帥騎一萬助軌

綿于李翻相息亮翻帥讀曰率唐奴

昆翻傳軌至姑臧營于城北

燕尚書頓立王蘭汗陰

與段速骨等通謀引兵營龍城之東城中留守兵至少

汗音寒少
詩沼翻

長樂王盛徙內近城之民得丁夫萬餘乘城

以禦之速骨等同謀纔百餘人餘皆為所驅脅莫有鬪

志三月甲午速骨等將攻城遼西桓烈王農恐不能守

且為蘭汗所誘夜潛出赴之冀以自全

農號為有智略
乃欲投段速骨

以自全不知適以速
死殆天奪之鑒也

明旦速骨等攻城城上拒戰甚力

速骨之衆死者以百數速骨乃將農循城

將如字引
也挾也

農

素有忠節威名城中之衆恃以為彊忽見在城下無不

驚愕喪氣

喪息浪翻

遂皆逃潰連骨入城縱兵殺掠死者狼

籍寶盛與慕與騰餘崇張真李旱趙恩等輕騎南走連

骨幽農於殿內長上阿交羅連骨之謀主也

騎奇寄翻上時掌翻

以高陽王崇幼弱更欲立農崇親信駸讓出力捷等聞

之

駸祖紅翻春秋左氏傳有駸茂晉有駸庚姓譜駸姓古禮夷氏之後捷居言翻

丁酉殺羅及

農

使連骨果立農亦必同死於蘭汗之手蓋事勢已去智無所施也

連骨即為之誅讓

等

偽為子翻

農故吏左衛將軍宇文拔亡奔遼西唐子蘭汗

襲擊連骨并其黨盡殺之廢崇奉太子策承制大赦遣

使迎寶及於薊城

使疏吏翻
刺音計

寶欲還長樂王盛等皆曰

汗之忠詐未可知今單騎赴之萬一汗有異志悔之無

及不如南就范陽王合衆以取冀州若其不捷收南方

之衆徐歸龍都亦未晚也寶從之

龍城燕故都故謂之
龍都慕容盛智慮逾

其父

離石胡帥呼延鐵西河胡帥張崇等不樂徙代

達矣

帥所類翻

聚衆叛魏魏安遠將軍庾岳討平之魏王

樂音洛

珪召衛王儀入輔以略陽公遵代鎮中山夏四月壬戌

以征虜將軍穆崇為太尉安南將軍長孫嵩為司徒

燕主寶從間道過鄴

間古苑翻

鄴人請留寶不許南至黎陽

伏於河西

河水自遮害亭屈而東北流過黎陽縣南河之西岸為黎陽界東岸為滑臺界

遣中

黃門令趙思告北地王鍾曰上以二月得丞相表

寶以德為

司徒故稱之為丞相

即時南征至乙連會長上作亂失據來此

人主

所據者勢也衆叛親離大勢已去失所據矣

王亟白丞相奉迎鍾德之從弟

也首勸德稱尊號聞而惡之執思付獄

從才用翻惡烏路翻

以狀

白南燕王德德謂羣下曰卿等以社稷大計勸吾攝政

吾亦以嗣帝播越

播通也遠也越達也走也

民神乏主故權順羣議

以繫衆心今天方悔禍嗣帝得還吾將具法駕奉迎謝

罪行闕何如

天子行幸所至有行宮
官前闕門謂之行闕

黃門侍郎張華曰

今天下大亂非雄才無以寧濟羣生嗣帝闇懦不能紹

隆先統陛下若蹈匹夫之節捨天授之業威權一去身

首不保況社稷其得血食乎慕輿護曰嗣帝不達時宜

委棄國都

寶棄中山見
上卷上年

自取敗亡不堪多難

難乃
旦翻

亦已

明矣昔蒯賁出犇衛輒不納春秋是之

蒯苦性翻
賁五怪翻

以子

拒父猶可況以父拒子乎

德於寶
為叔父

今趙思之言未明虛

實臣請為陛下馳往訶之

為于偽翻訶火迴翻又翻正翻候侯也刺探也

德流

涕遣之

流涕遣護將使之殺寶也

護帥壯士數百人

帥讀曰率下同

隨思而

北聲言迎衛其實圖之寶既遣思詣鍾於後得樵者言

德已稱制懼而北走護至無所見執思以還

還從宣翻又如字

德以思練習典故欲留而用之思曰犬馬猶知戀主思

雖刑臣乞還就上

宦者謂之刑臣上謂寶也

德固留之思怒曰周室

東遷晉鄭是依

周平王東遷洛邑晉文侯鄭武公實定王室故周桓公曰我周之東遷晉鄭焉依

殿下親則叔父位為上公不能帥先羣后以匡帝室而

幸本根之傾為趙王倫之事

事見八十九卷惠帝末寧元年言趙王倫以宗室而

篡晉德所為類之倫於惠帝叔祖也德於寶叔父也

帥讀曰率思雖不能如申包胥之

存楚

吳破楚入郢申包胥乞師於秦遂破吳師楚昭王復國

猶慕龔君賓不偷生

於芥世也

龔勝字君賓事見三十卷王莽始建國三年

德斬之寶遣扶風忠

公慕與騰與長樂王盛收兵冀州盛以騰素暴橫為民

所怨乃殺之行至鉅鹿長樂說諸豪傑

橫戶孟翻樂音洛說輸尚翻

皆願起兵奉寶寶以蘭汗祀燕宗廟所為似順意欲還

龍城不肯留冀州乃北行至建安

建安城在令支之北乙連之南

抵民

張曹家曹素武健請為寶合衆

爲于
傷翻

盛亦勸寶宜且駐

留察汗情狀寶乃遣冗從僕射李旱先往見汗

冗而
翻從才

用

寶留頓石城

石城縣前漢屬右北平郡後漢晉省縣屬遼德郡隋唐併入營州柳城縣界宋

翻

白曰石城縣取碣石立如城以名之

會汗遣左將軍蘇超奉迎陳汗忠款

寶以汗燕王垂之舅盛之妃父也謂必無他不待旱返

遂行盛流涕固諫寶不聽留盛在後盛與將軍張真下

道避匿丁亥寶至索莫汗陁

索音各翻汗音寒陁音刑

去龍城四十

里城中皆喜汗惶怖欲自出請罪

怖普布翻

兄弟共諫止之

汗乃遣弟加難帥五百騎出迎又遣兄提閉門止仗禁
人出入城中皆知其將為變而無如之何加難見寶於
陁北拜謁已

已者拜謁之禮畢

從寶俱進潁陰烈公餘崇密言

於寶曰觀加難形色禍變甚逼宜留三思奈何徑前寶
不從行數里加難先執崇崇大呼罵曰汝家幸緣肺附
呼火故翻師古曰肺附謂親戚也舊解云肺附如肺附
之相附著一說肺斫木札也喻其輕薄附著大材也

蒙國寵榮覆宗不足以報今乃敢謀篡逆此天地所不
容計旦暮即屠滅但恨我不得手膾汝曹耳

膾細切肉也

加

難殺之引寶入龍城外邸弑之

十四年

汗謚寶曰靈帝殺

獻哀太子策及王公卿士百餘人自稱大都督大將軍

大單于昌黎王

單音蟬

改元青龍以堤為太尉加難為車

騎將軍封河間王熙為遼東公如杞宋故事

周武王封夏之後於

杞殷之後於宋

長樂王盛聞之馳欲赴哀張真止之盛曰我今

以窮歸汗汗性愚淺必念婚姻不忍殺我旬月之間足

以展吾情志遂往見汗汗妻乙氏及盛妃皆泣涕請盛

於汗盛妃復頓顙於諸兄弟

復扶又翻

汗惻然哀之乃舍盛

於宮中以為侍中左光祿大夫親待如舊堤加難屢請

殺盛汗不從堤驕狠荒淫

狠戶
總翻

事汗多無禮盛因而問

之

問古
苑翻

由是汗兄弟浸相嫌忌

為盛誅
汗張本

涼太原公纂

將兵擊楊軌郭磨救之纂敗還

段業使沮渠蒙遜攻

西郡

郡在武威西據嶺之要蒙遜得
之故晉昌敦煌皆降沮子余翻

執太守呂純以歸

純光之弟子也於是晉昌太守王德敦煌太守趙郡孟

敏皆以郡降業

敦煌門翻
降戶江翻

業封蒙遜為臨池侯以德為

酒泉太守敏為沙州刺史

六月丙子魏王珪命羣臣

議國號皆曰周秦以前皆自諸侯升為天子因以其國

為天下號漢氏以來皆無尺土之資我國家百世相承

開基代北遂撫有方夏

據孔安國尚書註方夏謂四方中夏夏戶雅細

今宜以

代為號黃門侍郎崔宏曰昔商人不常厥居故兩稱殷

商

契始封於商皇甫謐曰今上洛商是也契孫相土居商丘自契至于成湯八遷湯始居亳從先王居後仲

丁遷於囂河壺甲居相祖乙居耿書曰盤庚五遷將治亳殷從先王居謂從帝嚳所居居亳也

代雖舊

邦其命維新登國之初已更曰魏

事見一百六卷孝武太元十年更工衡翻

夫魏者大名神州之上國也

左傳卜偃曰魏大名也戰國之時魏為大國中國謂

之神

宜稱魏如故珪從之

楊軌自恃其衆欲與涼王

光決戰郭麐每以天道抑止之

言天道未利也郭麐善數故如此

涼常山公弘鎮張掖段業使沮渠男成及王德攻之光

使太原公纂將兵迎之

將即亮

楊軌曰呂弘精兵一萬若

與光合則姑臧益彊不可取矣乃與禿髮利鹿孤共邀

擊纂纂與戰大破之軌奔王乞基

王乞基田胡也

麐性褊急殘

忍不為士民所附

編補典翻

聞軌敗走降西秦

降戶江翻

西秦王

乾歸以為建忠將軍散騎常侍

散悉重翻騎奇奇翻

弘引兵棄張

掖東走段業徙治張掖

治直之翻

將追擊弘沮渠蒙遜諫曰

歸師勿遏窮寇勿追

孫子之言

此兵家之戒也業不從大敗

而還

還從宣翻

賴蒙遜以免業城西安以其將臧莫孩為太

守

業置西安郡於張掖東境孩河開翻

蒙遜曰莫孩勇而無謀知進不知

退此乃為之築冢非築城也

為于偽翻冢知曉翻

業不從莫孩尋

為呂纂所破

燕太原王竒楷之子蘭汗之外孫也汗

亦不殺以為征南將軍得入見長樂王盛盛潜使竒逃

出起兵竒起兵於建安眾至數千汗遣蘭堤討之盛謂

汗曰善駒小兒未能辦此

善駒奇小字也

豈非有假託其名而

為內應者乎太尉素驕難信不宜委以大衆

汗以堤為太尉故稱

之

汗然之罷堤兵

蘇軾有言水必先蠶然後蟲生之人必先疑然後譏入之蘭汗凶逆兄弟

自相嫌忌故慕容盛得間之以奮其智報君父之讎

更遣撫軍將軍仇尼慕將兵

討奇

更工衛翻

於是龍城自夏不雨至于秋七月汗日詣燕

諸廟及寶神座頓首禱請委罪于蘭加難

言赦寶者加難之罪

堤

及加難聞之怒且懼誅乙巳相與率所部襲仇尼慕軍

敗之

敗補通翻

汗大懼遣太子穆將兵討之

將即亮翻

穆謂汗曰

慕容盛我之仇讎必與竒相表裏此乃腹心之疾不可
養也宜先除之汗欲殺盛先引見察之盛妃知之密以
告盛盛稱疾不出

蘭妃之為異於雍姬雖曰婦人內夫
家而外父母家若蘭妃者處夫妻父

子之變得其一
而失其一者也

汗亦止不殺李旱衛雙劉忠張豪張真

皆盛素所厚也而穆引以為腹心旱雙得出入至盛所
潛與盛結謀丁未穆擊堤加難等破之庚戌饗將士汗
穆皆醉盛夜如廁因踰垣入于東宮與旱等共殺穆時
軍未解嚴皆聚在穆舍聞盛得出呼躍爭先攻汗斬之

汗子魯公和陳公揚分屯令支白狼

令音鈴又卽定翻支音祁

盛遣

早真襲誅之堤加難亡匿捕得斬之於是內外帖然士

女相慶宇文拔率壯士數百來赴

宇文拔自遼西來也

盛拜拔為

太宗正辛亥告于太廟令曰賴五祖之休

五祖謂慕容涉歸廆訖烏

無凡五廟

文武之力宗廟社稷幽而復顯不獨孤以眇眇之

身免不同天之責

禮記曰父之讎不與共戴天

凡在臣民皆得明目

當世因大赦改元建平盛謙不敢稱尊號以長樂王攝

行統制

盛字道運寶之庶長子也樂音洛

諸王皆降稱公以東陽公根

為尚書左僕射衛倫陽璆魯恭王滕為尚書

璆渠尤翻

悅真

為侍中陽哲為中書監張通為中領軍自餘文武各復

舊位改謚寶曰惠閔皇帝廟號烈宗初太原王竒舉兵

建安南北之人翕然從之

南人謂自中原來者北人則鮮卑也

蘭汗遣其

兄子全討竒竒擊滅之匹馬不返進屯乙連盛既誅汗

命竒罷兵竒用丁零嚴生烏桓王龍之謀遂不受命甲

寅勒兵三萬餘人進至橫溝去龍城十里盛出擊大破

之執竒而還斬其黨與百餘人賜竒死桓王之嗣遂絕

慕容恪封太原王謚曰桓楚莊王滅若敖氏而赦箴尹克黃曰子文無後何以勸善以慕容恪之輔成燕業而可使之

羣臣固請上尊號

上時掌翻

威弗許

魏王珪遷都

絕祀乎

平城始營宮室建宗廟立社稷宗廟歲五祭用分至及

臘

魏都平城置代尹及司州於平城杜佑曰後魏都平城今雲中郡治雲中縣是今馬邑郡北平城即今郡

隋為雲內縣恒安鎮此所謂宗廟即代都之東廟也

桓玄求為廣州會稽王道

子忌玄

會工外翻

不欲使居荊州因其所欲以玄為督交廣

二州軍事廣州刺史玄受命而不行豫州刺史庾楷以

道子割其四郡使王愉督之上疏言江州內地

江州治尋陽在

江南故云內地

而西府北帶寇戎

晉以京口為北府歷陽為西府豫州治歷陽在江西故云北帶

寇戎

不應使愉分督朝廷不許楷怒遣其子鴻說王恭曰

尚之兄弟

謂燕王尚之及弟休之也說翰芮翻下同

復秉機權

復扶又翻下同

過於

國寶欲假朝威削弱方鎮

朝直遙翻

懲艾前事為禍不測

艾倪

祭翻

今及其謀議未成宜早圖之恭以為然以告殷仲堪

桓玄仲堪玄許之推恭為盟主刻期同趣京師

趣七音翻

時

內外疑阻津邏嚴急

邏即佐翻巡也津邏者凡江津之要皆置邏卒

仲堪以斜

絹為書內箭幹中

幹古旱翻字林曰箭幹也

合鎔漆之

鎔箭鐵也

因庾楷

以送恭恭發書絹文角戾不復能辨仲堪手書

戾曲也
乖也斜

絹無邊幅經緯不相持故斜角乖曲

疑楷詐為之且謂仲堪去年已違期

不赴

事見上卷

今必不動乃先期舉兵

先悉為翻

司馬劉牢之諫

曰將軍國之元舅會稽王天子叔父也會稽王又當國

秉政卿為將軍戮其所愛王國寶王緒又送王廞書

事見

上卷為于偽翻

其深伏將軍已多矣頃所授任雖未允愜亦非

大失割庾楷四郡以配王愉於將軍何損晉陽之甲豈

可數興乎

數所角翻

恭不從上表請討王愉司馬尚之兄弟

道子使人說楷曰昔我與卿恩如骨肉

楷先黨於王國寶道子亦親之

帳中之飲結帶之言可謂親矣

此必太元二十一年庾楷赴難時事

卿今

棄舊交結新援忘王恭疇昔陵侮之恥乎

王恭以元舅之親風神簡

責志氣方嚴視庾楷蔑如也故道子以為陵侮楷

若欲委體而臣之使恭得志

必以卿為反覆之人安肯深相親信首身且不可保况

富貴乎楷怒曰王恭昔赴山陵相王憂懼無計我知事

急尋勒兵而至恭不敢發

事見一百八卷孝武太元二十一年

去年之事

我亦俟命而動我事相王無相負者相王不能拒恭反

殺國寶及緒自爾以來

自爾以來猶今言自那時以來也又爾言如此也

誰敢

復為相王盡力者

復扶又翻為子偽翻

庾楷實不能以百口助人

屠滅時楷已應恭檄正徵士馬信返朝廷憂懼內外戒

嚴會稽世子元顯言於道子曰前不討王恭故有今日

之難今若復從其欲

難乃旦翻復扶又翻

則太宰之禍至矣

道子時為

太宰道子不知所為悉以事委元顯日飲醇酒而已元顯

聰警頗涉文義志氣果銳以安危為已任附會之者謂

元顯神武有明帝之風殷仲堪聞恭舉兵自以去歲後

期乃勒兵趣發

日趣讀促

仲堪素不習為將

將即亮翻

悉以軍事

委南郡相楊佺期兄弟

相息亮翻

使佺期帥舟師五千為前

鋒桓玄次之仲堪帥兵二萬相繼而下

帥讀日率

佺期自以

其先漢太尉震至父亮九世皆以才德著名矜其門地

謂江左莫及有以比王珣者佺期猶恚恨而時流以其

晚過江婚宦失類

佺期曾祖準晉太常自震至準七世有名德祖林少有才望值亂沒胡父

亮少仕偽朝後歸晉比王謝諸家為晚亮及佺期皆以武力為官又與僞荒為婚故云失類時流猶言時輩也

恚於避翻

佺期及兄廣弟思平從弟攷敬皆麤獷

從才用翻獷古猛翻

獺獺不
可附

每排抑之。佺期常慷慨切齒，欲因事際以逞其

志。故亦贊成仲堪之謀。八月，佺期玄奄至湓口。

湓口，湓浦口也。

晉人於此築城，置戍。今其地在

王愉無備，惶遽奔臨川。

江州德化縣西一里，湓蒲奔翻。

吳孫亮太平二年分豫章東部

玄遣偏軍追獲之。燕

都尉立臨川郡，隋唐為撫州。

以河間公熙為侍中、車騎大將軍、中領軍、司隸校尉、城

陽公。元為衛將軍，元寶之子也。又以劉忠為左將軍，張

豪為後將軍，並賜姓慕容氏。李阜為中常侍、輔國將軍，

衛雙為前將軍，張順為鎮西將軍，昌黎尹張真為右將

軍

燕都龍城以昌黎太守為昌黎尹

皆封公

乙亥燕步兵校尉馬勒

等謀反伏誅事連驃騎將軍高陽公崇崇弟東平公澄

皆賜死

驃匹妙翻騎奇寄翻

寧朔將軍鄧啓方南陽太守閭丘

羨將兵二萬擊南燕

燕自慕容寶之敗北歸龍城慕容德稱號於滑臺故稱南燕以別之

與南燕中軍將軍法撫軍將軍和戰於管城

魏叔志榮陽郡京縣

有管城故管叔邑也杜預曰在京縣東北

啓方等兵敗單騎走免

魏王珪

命有司正封畿

宋白曰魏道武都平城東至上谷軍都關西至河南至中山隘門塞北至五原

地方千里標道里平權衡審度量遣使循行郡國

使疏吏翻

行下舉奏守宰不法者親考察黜陟之 九月辛卯加

孟翻

會稽王道子黃鉞以世子元顯為征討都督遣衛將軍

王珣右將軍謝琰將兵討王恭譙王尚之將兵討庾楷

乙未燕以東陽公根為尚書令張通為左僕射衛倫

為右僕射慕容豪為幽州刺史鎮肥如 己亥譙王尚

之大破庾楷於牛渚楷單騎奔桓玄 為後玄殺楷張本 會稽王

道子以尚之為豫州刺史弟恢之為驃騎司馬丹陽尹

允之為吳國內史休之為襄城太守

元帝渡江以丹陽春穀縣置襄城郡

各擁兵馬以為已援乙巳桓玄大破官軍於白石

白石在巢

縣界水經註柵江水導源巢湖東左會清溪水謂之清漢口柵水又東左會白石山水水發白石山西逕李鵠城南西南

注柵水

玄與楊佺期進至橫江尚之退走恢之所領

水軍皆沒丙午道子屯中堂元顯守石頭已酉王珣守

北郊謝琰屯宣陽門以備之

宣陽門建康城南面西頭第一門

王恭素

以才地陵物既殺王國寶自謂威無不行仗劉牢之為

爪牙而但以部曲將遇之

將即亮翻

牢之負其才深懷恥恨

元顯知之遣廬江太守高素說牢之

高素亦北府將故使說之說輸芮翻

下可使叛恭許事成即以恭位號授之又以道子書遺

牢之為陳禍福

遺于季翻為于偽翻

牢之謂其子敬宣曰王恭昔

受先帝大恩今為帝舅不能翼戴王室數舉兵向京師

數所角翻

吾不能審恭之志事捷之日必能為天子相王之

下乎

相王謂道子也

吾欲奉國威靈以順討逆何如敬宣曰朝

廷雖無成康之美亦無幽厲之惡而恭恃其兵威暴殺

王室

蔑之者視之若無也

大人親非骨肉義非君臣雖共事少時

意好不協

少時言不多時也少詩沼翻好呼到翻

今日討之於情義何有

恭參軍何澹之知其謀以告恭

澹徒覽翻

恭以澹之素與牢

之有隙不信乃置酒請牢之於衆中拜之為兄精兵堅

甲悉以配之

王恭素以部曲將遇牢之及聞何澹之言則拜之為兄此豈能得其死力邪適足以

連其背

使帥帳下督顏延為前鋒

帥讀曰率

牢之至竹里斬

延以降

降戶江翻

遣敬宣及其壻東莞太守高雅之還襲恭

東莞漢舊縣武帝泰始元年分瑯琊立東莞郡南渡後又置南東莞郡於晉陵界莞音官

恭方出城

曜兵敬宣縱騎橫擊之

騎奇寄翻下同

恭兵皆潰恭將入城雅

之已閉城門恭單騎奔曲阿素不習馬髀中生瘡曲阿

人殷確恭故吏也以船載恭將奔桓玄至長塘湖

長塘湖在

晉陵延陵縣杜佑曰在潤州金壇縣風土記陽羨縣有洮湖別名長塘湖洮余招翻單鈔曰長塘湖在義興西

為人所告獲之送京師斬於倪塘

倪塘在建康東北方山埭南倪氏築塘因

以為名

恭臨刑猶理須鬢神色自若

須與謂監刑者曰我

闇於信人所以至此

自悔悉以軍事委劉牢之也監工銜翻

原其本心豈

不忠於社稷邪但令百世之下知有王恭耳并其子弟

黨與皆死以劉牢之為都督究青冀幽并徐揚州晉陵

諸軍事以代恭俄而楊佺期桓玄至石頭殷仲堪至燕

湖元顯自竹里馳還京師遣丹陽尹王愷等發京邑士

民數萬人據石頭以拒之佺期玄等上表理王恭求誅

劉牢之牢之帥北府之衆馳赴京師軍于新亭

帥讀曰率

佺

期玄見之失色回軍蔡洲

蔡洲在今建康府上元縣西二十五里

朝廷未

知西軍虛實仲堪等擁衆數萬充斥郊畿內外憂逼

言內

憂而外逼也

左衛將軍桓脩冲之子也言於道子曰西軍可

說而解也

說翰芮翻

脩知其情矣殷桓之下專恃王恭恭既

破滅西軍沮恐

沮恐言氣沮而心恐也沮在呂翻

今若以重利啗玄及

佺期

昭徒覽
翻餌也

二人必內喜玄能制仲堪佺期可使倒戈

取仲堪笑道子納之以玄為江州刺史召郗恢為尚書

以佺期代恢為都督梁雍秦三州諸軍事雍州刺史以

脩為荊州刺史權領左衛文武之鎮

左衛文武左衛將軍府之僚屬及部

曲也之往也郗丑
之翻雍於用翻

又令劉牢之以千人送之黜仲堪為

廣州刺史遣仲堪叔父太常茂宣詔敕仲堪回軍張

駿子超收合三千餘家據南皮自號烏桓王抄掠諸郡

張駿烏桓種也奉燕見一百五卷孝武帝太元
九年歸魏見上卷元年張思將翻抄楚文翻

魏王珪

命庾岳討之

楊軌屯廉川收集夷夏衆至萬餘

夏戶
雅翻

王乞基謂軌曰禿髮氏才高而兵盛且乞基之主也不

如歸之軌乃遣使降于西平王烏孤

降戶
江翻

軌尋為羌酋

梁飢所敗

酋慈由翻
敗補遘翻

西犇儂海

閩駟曰金城臨羌縣西
有卑和羌海縣道元曰

古西零之地
也傳音憐

襲乙弗鮮卑而據其地烏孤謂羣臣曰楊

軌王乞基歸誠於我卿等不速救使為羌人所覆孤甚

愧之平西將軍渾屯曰

渾古有是姓左傳鄭有渾罕衛
有渾良夫吐谷渾氏後改為渾

姓渾戶
昆翻梁飢無經遠大略可一戰擒也飢進攻西平西

平人田玄明執太守郭倖而代之，以拒飢，遣子為質於

烏孤

質音致

烏孤欲救之，羣臣憚飢，兵彊多以為疑。左司

馬趙振曰：「楊軌新敗，呂氏方彊，洪池以北未可冀也。」

洪池

嶺名在涼州姑臧之南，唐涼州有洪池府。

嶺南五郡庶幾可取。

嶺南謂洪池、南也，五郡

謂廣武、西平、樂都、洮河、湟河也，幾居希翻。

大王若無開拓之志，振不敢言。若

欲經營四方，此機不可失也。使羗得西平，華夷震動，非

我之利也。烏孤喜曰：「吾亦欲乘時立功，安能坐守窮谷？」

乎

魚川在塞外，故謂之窮谷。

乃謂羣臣曰：「梁飢，若得西平，保據山河。」

不可復制

西平據湟河之要有大小榆谷之饒故云然後扶又翻下同

飢雖驍猛

驍

充軍令不整易破也

易以

遂進擊飢大破之飢退屯龍

支堡

唐鄯州有龍支縣劉昫曰龍支漢允吾縣地此時當為西平界

烏孤進攻拔之飢

單騎奔澆河

澆河吐谷渾之地呂光開以為郡隋唐之廓州即其地也澆堅充翻水洄洑曰澆此

郡蓋置於洸河洄曲處杜佑曰澆河城在廓州達化縣賀蘭山劉昫曰廓州隋澆河郡治廣威縣即後漢燒當羌之地前涼置湟河郡後魏置石城郡廢帝因縣內化隆谷置化隆縣後周置廓州唐天寶元年改為廣威縣管下有達化縣吐渾澆河城在縣西百二

俘斬數萬以

田玄明為西平內史樂都太守田瑤

樂都註已見二十六卷漢宣帝神爵

元年五代志西平郡湟水縣後周置樂都郡觀此則呂氏已置郡矣杜佑曰湟水一名樂都水唐鄯州治樂音

洛

湟河太守張稠

稠除留翻湟河郡蓋置於此地

澆河太守王稚皆以

郡降

降戶江翻

嶺南羌胡數萬落皆附於烏孤

西秦王乾

歸遣秦州牧益州武衛將軍慕元

慕元晉書載記作慕容兀慕兀蓋亦乞伏

氏載記誤也

冠軍將軍翟瑄帥騎二萬伐吐谷渾

冠古玩翻瑄音溫

冬十月癸酉燕羣臣復上尊號

復扶又翻上時掌翻

丙子長樂

王盛始即皇帝位

樂音洛

大赦尊皇后段氏曰皇太后太

妃丁氏曰獻莊皇后初蘭汗之當國也盛從燕主寶出

亡蘭妃奉事丁后愈謹及汗誅盛以妃當從坐欲殺之

丁后以妃有保全之功固爭之得免然終不為后大

赦殷仲堪得詔書大怒

得黠廣州之詔書也

趣桓玄楊佺期進

軍

起讀曰促

玄等喜於朝命

朝直遙翻下同

欲受之猶豫未決仲堪

聞之遽自蕪湖南歸遣使告諭蔡洲軍士曰汝輩不各

自散歸吾至江陵盡誅汝餘口

使疏吏翻餘口謂蔡洲之軍所餘家口留在江

陵者佺期部將劉系帥二千人先歸

帥讀曰率

玄等大懼狼狽

西還

還從宣翻又如字

追仲堪至尋陽及之仲堪既失職倚玄

等爲援玄等亦資仲堪兵雖內相疑阻勢不得不合乃

以子弟交質

質音致

壬午盟於尋陽俱不受朝命連名上

疏申理王恭求誅劉牢之及譙王尚之并訴仲堪無罪

獨被降黜

被皮義翻

朝廷深憚之內外騷然乃復罷桓脩

復扶

又翻以荊州還仲堪優詔慰諭以求和解仲堪等乃受詔

御史中丞江績劾奏桓脩專爲身計疑誤朝廷

謂分江雍以授

桓玄楊佺期自取荊州也劫戶梁翻又戶得翻

詔免脩官初桓玄在荊州所爲

豪縱仲堪親黨皆勸仲堪殺之仲堪不聽及在尋陽資

其聲地

聲謂威聲地謂門地

推玄為盟主玄愈自矜倨楊佺期為

人驕悍

悍侯肝翻又下罕翻

玄每以寒士裁之佺期甚恨密說仲

堪以玄終為患請於壇所襲之

說翰為翻

仲堪忌佺期兄弟

勇健恐既殺玄不可復制

復扶又翻

苦禁之於是各還所鎮

玄亦知佺期之謀陰有取佺期之志

為後玄殺殷楊張本

乃屯於

夏口引始安太守濟陰卞範之為長史以為謀主

吳孫皓甘

露元年分零陵南部都尉立始安郡屬廣州晉成帝度屬荊州隋唐為桂州之地夏戶雅翻濟子禮翻

是

時詔書獨不赦庾楷玄以楷為武昌太守初郝恢為朝

廷拒西軍

為于偽翻

玄未得江州欲奪恢雍州

雍於用翻

以恢為

廣州恢聞之懼詢於眾眾皆曰楊佺期來者誰不勦力

若桓玄來恐難與為敵

桓氏世居西楚故眾畏之

既而聞佺期代已

乃與閭丘羨謀阻兵拒之

閭丘羨時為南陽太守雍之部屬也

佺期聞之

聲言玄來入沔

沔彌充翻

以佺期為前驅恢眾信之望風皆

潰恢請降

降戶江翻

佺期入府斬閭丘羨放恢還都至楊口

殷仲堪陰使人殺之及其四子託言羣蠻所殺西秦

乞伏蓋州與吐谷渾王視羆戰於度周川

度周川在臨洮塞外龍涇

之西吐從瞰
入聲谷音浴

視羆大敗走保白蘭山遣子宕豈為質於

西秦以請和

宕徒浪翻
質音致

西秦王乾歸以宗女妻之

妻子
細翻

涼建武將軍李鸞以興城降於禿髮烏孤

興城在允
吾縣西南

龍支堡
之東

十一月以琅邪王德文為衛將軍開府儀同

三司征虜將軍元顯為中領軍領軍將軍王雅為尚書

左僕射 辛亥魏王珪命尚書吏部郎鄧淵立官制協

音律儀曹郎清河董謐制禮儀三公郎王德定律令

吏部

儀曹三公郎
皆曹魏所置

太史令鼂崇考天象

鼂直
遙翻

吏部尚書崔宏

總而裁之以為永式淵羌之孫也

鄧羌荷秦之名將

楊軌王

乞基帥戶數千自歸於西平王烏孤

帥讀曰車下同

十二月

己丑魏王珪即皇帝位大赦改元天興命朝野皆束髮

加帽

朝直遙翻下同說文曰帽小兒蠻夷家頭衣晉書與服志曰帽猶冠也義取于蒙覆其首其本纒也

古者冠無幘冠下有纒以繒為之後世施幘於冠因復裁纒為帽自東興宴居下至庶人無爵者皆服之江左時野人已着帽人士亦往往而然但其頂圓耳後乃高其屋云纒所爾翻

追尊遠祖毛以下

二十七人皆為皇帝

魏謚毛為成皇帝五世至推寅南遷大澤方十餘里謚宣皇帝七世

至鄴始南出居匈奴故地謚獻皇帝謚六世祖力微曰神帝獻帝之子曰詰汾謚聖武皇帝

元皇帝廟號始祖祖什翼捷曰昭成皇帝廟號高祖父

寔曰獻明皇帝

謚力微曰神元皇帝子沙漠汗曰文皇帝沙漠汗之子弗政曰思皇帝弗政卒

力微之子祿官立謚曰昭皇帝分國為三部猗也猗盧沙漠汗之二子與祿官分統三部猗也西略服屬諸國

謚曰桓皇帝猗盧自祿官之卒合三部為一又助晉國以並強謚穆皇帝猗盧死祿官之子鬱律繼之謚平文

皇帝鬱律弒猗也之子賀傳立謚惠皇帝賀傳卒弟紇那立謚煬皇帝鬱槐者鬱律之子國人逐紇那而立之

謚烈魏之舊俗孟夏祀天及東廟宗廟在東蓋亦左祖之義

季夏帥

衆却霜於陰山孟秋祀天於西郊至是始依倣古制定

郊廟朝饗禮樂然惟孟夏祀天親行

杜佑曰魏道武天賜二年祀天子西

郊為方壇東為二陸土陸無等周垣四門各依方色為名置木主七於壇上牲用白犢黃駒白羊各一祭之日帝御大駕至郊所立青門內近南西面內朝臣皆位於壇北外朝臣及大人方客咸位於青門外后率六宮自黑門入列於青門內近北竝西面廩犧令掌牲陳於壇前女巫執鼓立於壇東西面帝七族子弟七子執酒在巫南西面北上女巫升壇搖鼓帝拜后肅拜內外百官拜祀訖乃殺牲七執酒七人西向以酒洒天神主復拜如此者三禮畢而退自是歲一祭其餘多有司攝事又用崔宏議自謂

黃帝之後

魏收曰魏之先出自黃帝黃帝子曰昌意昌意之子受封北國有大鮮卑山因為號其

後世為君長統幽都之北廣漠之野黃帝以土德王北俗謂土為托謂后為跋故以托跋為氏以土德

王徙六州二十二郡守宰豪傑二千家于代都東至代

郡

魏都平城以平城為代都依漢建國之名也漢平城縣本屬鴈門郡而代郡治桑乾後漢徙高柳晉徙平

舒魏收地形志之上谷郡晉之代郡也唐為蔚州之地魏之代郡唐為雲州雲中縣之地西及善無

南極陰館

善無縣漢屬鴈門郡後漢屬定襄郡元魏天平二年置善無郡班志陰館縣屬鴈門郡本

樓煩鄉景帝後三年置陰館縣有累頭山治水所出五代史志代州鴈門縣有累頭山則漢之陰館縣已併入

鴈門縣矣北盡參合皆為畿內其外四方四維置八部帥以

監之

魏書作八部帥八部帥勸課農耕量校收入以為殷最監工銜翻

已亥燕幽州

刺史慕容豪尚書左僕射張通昌黎尹張順坐謀反誅

初琅邪人孫泰學妖術於錢唐杜子恭

妖於驍翻

士民多

奉之王珣惡之

惡鳥路翻

流泰於廣州王雅薦泰於孝武帝

云知養性之方召還累官至新安太守泰知晉祚將終

因王恭之亂以討恭為名收合兵眾聚貨鉅億

億億為鉅億

三吳之人多從之識者皆憂其為亂以中領軍元顯與

之善無敢言者會稽內史謝輜發其謀

輜夷周翻又音酉

已酉

會稽王道子使元顯誘而斬之

會工外翻誘音酉

并其六子兄

子恩逃入海愚民猶以泰蟬蛻不死

蟬解殼曰蛻神仙家有尸解之說言

尸解登仙如蟬之蛻殼也蛻輸芮翻又吐外翻

就海中資給恩恩乃聚合亡命

得百餘人以謀復讎

為後孫恩反張本

西平王禿髮烏孤更

稱武威王

更工衛翻

是歲楊盛遣使附魏魏以盛為仇池

王

使疏更翻

資治通鑑卷一百一十

資治通鑑卷一百一十一 宋 司馬光 撰

胡三省 音註

晉紀三十三

起居錄大淵獻盡
上章因敦凡二年

安皇帝丙

隆安三年春正月辛酉大赦 戊辰燕昌黎尹留忠謀
反誅事連尚書令東陽公根尚書段成皆坐死遣中衛
將軍衛雙就誅忠弟志於凡城以衛將軍平原公元為

司徒尚書令 庚午魏主珪北巡分命大將軍常山王

遵等三軍從東道出長川

長川在槃夷鎮西北大漠之東垂也下所謂西道中道並

絕漠分爲三路鎮北將軍高涼王樂真等七軍從西道出牛川

珪自將大軍從中道出駸駸水以襲高車

將即亮駸駸北角翻駸而

占翻壬午燕右將軍張真城門校尉和翰坐謀反誅癸

未燕大赦改元長樂

樂音洛

燕主盛每十日一自決獄不

加拷掠多得其情

拷音考掠音亮史言慕容盛以聰察殺身

武威王烏孤

徙治樂都

治直之翻樂音洛

以其弟西平公利鹿孤鎮安夷

安夷

縣漢屬金城郡
晉分屬西平郡

廣武公傳檀鎮西平

西平治樂都縣唐鄯州之湟水縣也

傳奴

叔父素渥鎮湟河若留鎮洮河從弟替引鎮嶺南

嶺南即洪池嶺之南

洛回鎮廉川從叔吐若留鎮浩臺

從才用翻浩臺在樂

都之東隋唐併入湟水縣浩音詰臺音門

夷夏俊傑

夏戶雅翻

隨才授任內居顯

位外典郡縣咸得其宜烏孤謂羣臣曰隴右河西本數

郡之地

漢時河西置武威張掖酒泉敦煌四郡隴右置隴西金城二郡

遭亂分裂至十餘

國呂氏乞伏氏段氏最彊今欲取之三者何先楊統曰

乞伏氏本吾之部落終當服從

乞伏與禿髮氏皆鮮卑也

段氏書生

無能為患且結好於我攻之不義

好呼到翻

呂光衰老嗣子

微弱

謂光以子紹為嗣也

纂弘雖有才而內相猜忌若使浩亶庶

川乘虛迭出彼必疲於奔命不過二年兵勞民困則姑

臧可圖也

姑臧呂光所都

姑臧舉則二寇不待攻而服矣烏孤

曰善 二月丁亥朔魏軍大破高車三十餘部獲七萬

餘口馬三十餘萬匹牛羊百四十餘萬頭衛王儀別將

三萬騎絕漠千餘里

將即亮翻

破其七部獲二萬餘口馬五

萬餘匹牛羊二萬餘頭高車諸部大震 林邑王范達

陷日南九真遂寇交趾太守杜瑗擊破之

瑗子
蕃翻

庚戌

魏征虜將軍庾岳破張超於勃海斬之

張超據南皮
見上卷上年

段業即涼王位改元天璽

是為北涼
璽斯氏翻

以沮渠蒙遜為尚

書左丞

沮子
余翻

梁中庸為右丞

魏主珪大獵於牛川之

南以高車人為圍周七百餘里因驅其禽獸南抵平城

使高車築鹿苑廣數十里

廣古
續翻

三月己未珪還平城甲

子珪分尚書三十六曹及外署凡置三百六十曹令八

部大夫主之

八部大夫恐當作八部大人
魏王珪天興元年置八部大人於皇城四方四維一面

置一人以擬八座謂之八國各有屬官常侍待詔直左右出入王命

吏部尚書崔宏通署

三十六曹如令僕統事置五經博士增國子太學生員

合三千人珪問博士李先曰天下何物最善可以益人

神智對曰莫若書籍珪曰書籍凡有幾何如何可集對

曰自書契以來世有滋益以至于今不可勝計苟人主

所好何憂不集珪從之命郡縣大索書籍悉送平城

王魏

珪之崇文如此而魏之儒風及平涼州之後始振蓋代北以右武為俗雖其君尚文未能回也嗚呼平涼之後儒風雖振而北人胡服至孝文遷洛之時未盡改也用夏變夷之難如是夫勝音升好呼到翻索音客翻

初秦王登之弟廣帥衆三千依南燕王德德以為冠軍

將軍處之乞活堡

帥讀曰率冠古玩翻乞活堡晉惠帝時諸賊保聚之地處昌呂翻

會

熒惑守東井或言秦當復興

復扶又翻

廣乃自稱秦王擊南

燕北地王鍾破之是時滑臺孤弱

德徒滑臺事見上卷上年

土無十

城衆不過一萬鍾既敗附德者多去德而附廣德乃留

魯陽王和守滑臺自帥衆討廣斬之

帥讀曰率下同

燕主寶之

至黎陽也

事見上卷上年

魯陽王和長史李辯勸和納之和

從辯懼故潛引晉軍至管城

事亦見上卷上年

欲因德出戰而

作亂既而德不出辯愈不自安及德討苻廣辯復勸和

反

復扶又翻下同

和不從辯乃殺和以滑臺降魏

降戶

翻魏行臺

尚書和跋在鄴帥輕騎自鄴赴之

騎奇寄翻

既至辯悔之閉

門拒守跋使尚書郎鄧暉說之

鄧暉魏之鄴臺尚書郎也說輸芮翻

辯乃

開門納跋跋悉收德宮人府庫德遣兵擊跋跋逆擊破

之又破德將桂陽王鎮

將即亮翻

俘獲千餘人陳穎之民多

附于魏

陳穎陳郡穎川也

南燕右衛將軍慕容雲斬李辯帥將

士家屬二萬餘口出滑臺赴德

帥讀日率

德欲攻滑臺韓範

曰嚮也魏為客吾為主人今也吾為客魏為主人人心

危懼不可復戰

復扶又翻

不如先據一方自立基本乃圖進

取

微韓範之言德若進攻滑臺必至喪敗固不待慕容超之時也

張華曰彭城楚之舊

都

項羽都彭城故云然

可攻而據之北地王鍾等皆勸德攻滑臺

尚書潘聰曰滑臺四通八達之地

滑臺當滑津之要魏自北渡河而南向晉

從清水入河秦汾渭順河而下皆湊於滑臺又其城旁無山陵可依車騎舟師皆可以騁故謂之四通八達之地

北有魏南有晉西有秦居之未嘗一日安也彭城土

曠人稀平夷無險且晉之舊鎮未易可取

易以又客通

又客通

江淮夏秋多水乘舟而戰者吳之所長我之所短也青

州沃野二千里精兵十餘萬左有負海之饒右有山河

之固廣固城曹窺所築

窺魚力翻

地形阻峻足為帝王之都

三齊英傑思得明主以立功於世久矣辟閭渾昔為燕

臣

孝武太元十九年辟閭渾為慕容農所破遂臣於燕

今宜遣辯士馳說於前大

兵繼踵於後若其不服取之如拾芥耳

燕弱攻昧取亂侮亡自三代之

時仲虺已有是言夫子定書弗之刪也後人泥古專言王者之師以仁義行之若宋襄公可以為鑒矣說翰內

翻

既得其地然後閉關養銳伺隙而動此乃陛下之關

中河內也

用荀彧說魏武之言同相吏翻

德猶豫未決沙門竺朗素善

占候

竺朗之俗姓

德使牙門蘇撫問之朗曰敬覽三策潘尚

書之議興邦之言也且今歲之初彗星起奎婁掃虛危

彗者除舊布新之象奎婁為魯虛危為齊

晉天文志奎婁胃魯徐州

虛危齊青州彗祥歲翻又旋芮翻又徐辭翻

宜先取兗州巡撫琅邪至秋乃

北徇齊地此天道也撫又密問以年世朗以周易筮之

曰燕衰庚戌年則一紀世則及子

其後燕亡於義熙六年歲在上章開戌上

章庚也開戌也

撫還報德德乃引師而南兗州北鄙諸郡縣

皆降之

降戶江翻下同

德置守宰以撫之禁軍士無得虜掠百

姓大悅牛酒屬路

屬之欲翻

丙子魏主珪遣建義將軍庾

真越騎校尉奚斤擊庫狄宿連侯莫陳三部皆破之

其後

庫狄侯莫陳二姓皆貴顯而宿連之種微矣

追奔至大峨谷置戍而還

還從宣翻

又如字

己卯追尊帝所生母陳夫人為德皇太后夏

四月鮮卑疊掘河內帥戶五千降于西秦西秦王乾歸

以河內為疊掘都統以宗女妻之

疊掘亦鮮卑一種也河內其名稱其月翻

妻七細翻

甲午燕大赦

會稽王道子有疾

會工外翻

且無日

不醉世子元顯知朝望去之乃諷朝廷解道子司徒揚

州刺史

朝直逞
翻下同

乙未以元顯為揚州刺史道子醒而後

知之大怒無如之何元顯以廬江太守會稽張灋順為

謀主

會工
外翻

多引樹親黨朝貴皆畏事之

為元顯張灋順
俱被誅張本

燕散騎常侍餘超左將軍高和等坐謀反誅

散悉重
翻騎奇

寄

涼太子紹太原公纂將兵伐北涼

河西四郡張掖
在北故號北涼

將即
亮翻

北涼王業求救於武威王烏孤烏孤遣驃騎大將

軍利鹿孤及楊軌救之

驃匹妙翻
騎奇寄翻

業將戰沮渠蒙遜諫

曰楊軌恃鮮卑之彊有窺窬之志

禿髮本鮮卑種也沮子余翻

紹纂

深入置兵死地不可敵也今不戰則有泰山之安戰則

有累卵之危業從之案兵不戰紹纂引兵歸六月烏孤

以利鹿孤為涼州牧鎮西平召車騎大將軍俸檀入錄

府國事

傳叔沃翻

會稽世子元顯自以少年不欲頓居重

任

少詩照翻

戊子以琅邪王德文為司徒

魏前河間太守

盧溥帥其部曲數千家就食漁陽遂據有數郡秋七月

己未燕主盛遣使拜溥幽州刺史

為下魏照張家襲禽盧溥張本帥讀曰率

使疏
吏翻

辛酉燕主盛下詔曰法例律公侯有罪得以金

帛贖

戰國時魏文侯師李悝撰次諸國法著法經以為王者之政莫急盜賊盜賊須劾捕故著網捕二篇

其輕狡越城博戲假借不廉淫侈踰制以為雜律一篇又以其律具其加減故所著六篇皆罪名之制也漢蕭何條益事律與庭戶三篇合為九篇魏陳羣等采漢律制新律十八篇集罪例為刑名冠於律首盜律有劫略恐獨和賣買人科有持質皆非盜事分以為劫略律賊律有欺謾詐偽踰封疆制因律有詐偽生死令丙有詐自復免事類衆多分為詐律賊律有賊伐樹木殺傷人畜產及諸亡印金布律有毀傷亡失縣官財物分為毀亡律囚律有告劾傳覆庭律有告反逮受科有登聞道辭分為告劾律囚律有繫囚鞠獄斷獄之法與律有上獄之事科有考事報讞宜別為篇分為繫訊斷獄律盜律有受所監受財枉法雜律有假借不廉令乙有呵人

受錢科有使者驗賂其事相類分為請賕律盜律有勃
辱強賊與律有擅興徭役具律有出賣科有擅作脩舍
事分為興擅律興律有乏徭稽留賊律有儲峙不辦廩
律有乏軍乏興及舊典有奉法不謹不承用詔書漢氏
施行不宜復以為濫別為之留律秦世舊有廩置東傳
副車食厨後漢但設騎置無車馬而律猶著其文則為
虛設故除廩律取其可用合科者為郵驛令告勅律上
言變事令以驚事告急與興律烽燧及科令者以為驚
事律盜律有還賊卑主金布律有罰贖入責以呈黃金
為價科有平庸生賊事以為價贖律律之初制無免坐
之文張湯趙禹始作監臨部主見知故縱之例其見知
而故不舉劾以贖論其不見不知者不坐科條免坐繁
多宜總為免例以省科文故更定以為免坐律晉初賈
充定法就漢九章增十一篇改舊律為刑名法例辨因
律為告勅繫訊斷獄分盜律為請賕詐偽水火毀亡因
事類為衛禁違制撰周官為諸侯律合二十篇孔頴達

曰古之贖罪皆用銅漢始改用黃金但少其斤兩令與金相敵漢及後魏贖罪皆用黃金後魏以金難得合金一兩收絹十匹今律乃復依古贖銅此不足以懲惡而利於王府甚無謂

也自今皆令立功以自贖勿復輸金帛

復扶又翻

西秦丞

相南川宣公出連乞都卒

南川地名宣謚也

秦齊公崇鎮東

將軍楊佛嵩寇洛陽河南太守隴西辛恭靖嬰城固守

雍州刺史楊佺期遣使求救於魏常山王遵

雍於用翻使疏吏翻

下同魏主珪以散騎侍郎西河張濟為遵從事中郎以報

之佺期問於濟曰魏之伐中山戎士幾何濟曰四十餘

萬

事見一百八卷考武太元二十一年

佺期曰以魏之彊小羗不足滅也

且晉之與魏本為一家

謂猗盧救劉琨時也

今既結好

好呼到翻

義無

所隱此間兵弱糧寡洛陽之救恃魏而已若其保全必

有厚報若其不守與其使羗得之不若使魏得之

若楊佺期

者豈可使之扞禦封疆哉

濟還報八月珪遣太尉穆崇將六萬騎往

救之

燕遼西太守李朗在郡十年威行境內

燕遼西郡治令

支

恐燕主盛疑之累徵不赴以其家在龍城未敢顯叛

陰召魏兵許以郡降魏

降戶江翻下同

遣使馳詣龍城廣張寇

勢盛曰此必詐也召使者詰問

詰去吉翻

果無事實盛盡滅

朗族丁酉遣輔國將軍李阜討之

初魏奮武將軍張

袞以才謀為魏主珪所信重委以腹心珪問中州士人

於袞袞薦盧溥及崔逞珪皆用之珪圖中山久未下軍

食乏

見一百九卷
隆安元年

問計於羣臣逞為御史中丞對曰桑

樞可以佐糧飛鵲食樞而改音詩人所稱也珪雖用其

言聽民以樞當租然以逞為侮慢心銜之

詩鵲攸飛鵲
集于洋林食

我桑樞懷我好音註云鵲惡聲之鳥也鵲恒惡鳴今食
桑樞故改其鳴歸就我以善音珪本北人而入中原故

銜逞以
為侮慢

秦人寇襄陽雍州刺史郝恢以書求救於魏常

山王遵曰賢兄虎步中原珪以恢無君臣之禮命衮及

逞為復書必貶其主衮逞謂帝為貴主珪怒曰命汝貶

之而謂之貴主何如賢兄也逞之降魏也

見一百九卷
隆安元年

以天下方亂恐無復遺種

種章
勇翻

使其妻張氏與四子留

冀州逞獨與幼子蹟詣平城

蹟士
革翻

所留妻子遂奔南燕

珪并以是責逞賜逞死盧溥受燕爵命侵掠魏郡縣殺

魏幽州刺史封沓干珪謂衮所舉皆非其人黜衮為尚

書令史袞乃閨門不通人事惟手校經籍歲餘而終燕
主寶之敗也中書令民部尚書封懿降於魏珪以懿為
給事黃門侍郎都坐大官

魏官有三都大官都坐大官
外都大官內都大官坐臥

翻

珪問懿以燕氏舊事懿應對疎慢亦坐廢於家

珪蓋
自疑

以為衣冠之
士慢之也

武威王禿髮烏孤醉走馬傷脇而卒遺

令立長君

長知
兩翻

國人立其弟利鹿孤謚烏孤曰武王廟

號烈祖利鹿孤大赦徙治西平南燕王德遣使說幽

州刺史辟閭渾欲下之

晉氏南渡僑立幽冀青并四州
於江北秦國幽州刺史田洛子

三阿是其證也孝武太元之季復取齊地徙幽冀二州于齊是後鎮齊者率領青冀二州刺史渾領幽州刺史蓋自北而南未純為晉臣使領幽州而鎮廣固也說翰尚翻渾不從德遣北地王鍾

帥步騎二萬擊之

帥讀曰率

德進據琅邪徐兗之民歸附者

十餘萬德自琅邪引兵而北以南海王法為兗州刺史

鎮梁父

父音甫

進攻莒城守將任安委城走德以潘聰為

徐州刺史鎮莒城

莒縣前漢屬城陽國後漢屬琅邪郡分屬東莞郡將即亮翻任音士

蘭

汗之亂燕吏部尚書封孚南奔辟閭渾渾表為勃海太

守及德至孚出降

降戶江翻下同

德大喜曰孤得青州不為喜

喜得卿耳遂委以機密北地王鍾傳檄青州諸郡諭以

禍福辟閭渾徙八千餘家入守廣固遣司馬崔誕戍薄

荀固平原太守張諮戍柳泉

薄荀蓋人姓名遇亂聚眾保固此地因以為名齊人

率謂保聚之地為固漢書地理志北海郡有柳泉侯國後漢晉省

誕諮承檄皆降於德

渾懼攜妻子奔魏德遣射聲校尉劉綱追之及於莒城

斬之渾子道秀自詣德請與父俱死德曰父雖不忠

以辟

閭渾背燕為不忠

而子能孝特赦之渾參軍張瑛為渾作檄

瑛音

英為子偽翻

辭多不遜德執而讓之瑛神色自若徐曰渾之

有臣猶韓信之有蒯通通遇漢祖而生

事見十二卷臣

遭陛下而死比之古人竊為不幸耳德殺之遂定都廣

固 燕李旱行至建安燕主盛急召之羣臣莫測其故

九月辛未復遣之李朗聞其家被誅

被皮義翻

擁二十餘戶

以自固及聞旱還謂有內變不復設備

復扶又翻

留其子養

守令支

應劭曰令音鈴師古曰音郎定翻
孟康曰支音祇裴松支其兒翻

自迎魏師於

北平

前漢北平郡治平剛後漢治上垠晉治徐無後魏治盧龍

壬子旱襲令支克之

遣廣威將軍孟廣平追及朗於無終斬之

無終春秋無終子之國自

漢以來為縣屬右北平到時曰唐薊州玉田縣漢無終縣地

秦主興以災異屢見

見賢通翻

降號稱王下詔令羣公卿士將牧守宰各降一等

將即亮翻守式又翻下同

大赦改元弘始存問孤貧舉拔賢俊簡省

濫令清察獄訟守令之有政迹者賞之貧殘者誅之遠

近肅然冬十月甲午燕中衛將軍衛雙有罪賜死李

早還聞雙死懼棄軍而亡至板陁

陁音刑

復還歸罪

復扶又翻

燕主盛復其爵位謂侍中孫勅曰早為將而棄軍罪在

不赦

勅渠京翻將即亮翻

然昔先帝蒙塵骨肉離心公卿失節惟

旱以宦者忠勤不懈始終如一

事見上卷二年

故吾念其功而

赦之耳 辛恭靖固守百餘日魏救未至秦兵拔洛陽

獲恭靖恭靖見秦王興不拜曰吾不為羗賊臣興囚之

恭靖逃歸自淮漢以北諸城多請降送任於秦

降戶江翻

魏王珪以穆崇為豫州刺史鎮野王

秦既克洛陽魏置鎮於野王以傳其

渡河侵軼

會稽世子元顯性苛刻

會工外翻

生殺任意發東土

諸郡免奴為客者

奴戶者有罪沒為官奴公卿以下至九品官及宗室國賓先賢之後及士

人子孫占蔭以為客戶是謂免奴為客

號曰樂屬

樂徒各翻

移置京師以充兵

後東土噐然苦之孫恩因民心騷動自海島帥其黨殺

上虞令

上虞縣自漢以來屬會稽郡西北距郡城百餘里

帥讀曰率遂攻會稽會稽

內史王凝之羲之之子也世奉天師道

天師道即張道陵之所傳也會

工外

不出兵亦不設備日於道室稽顙跪呪

道室奉道之室也稽

音啓官屬請出兵討恩凝之曰我已請大道借鬼兵守諸

津要各數萬賊不足憂也及恩漸近乃聽出兵恩已至

郡下甲寅恩陷會稽凝之出走恩執而殺之并其諸子

凝之妻謝道韞奔之女也聞寇至舉措自若命婢肩輿

抽刀出門手殺數人乃被執

被皮義翻

吳國內史桓謙臨海

太守新蔡王崇

晉書作新蔡王崇崇汝南王祐之曾孫自其祖父以來嗣新蔡國封秦當作蔡

義興太守魏隱皆棄郡走於是會稽謝鍼吳郡陸瓌吳

興丘

鍼其煮翻瓌姑回翻丘烏光翻

義興許允之臨海周胄永嘉張

永等及東陽新安凡八郡人一時起兵殺長吏以應恩

旬日之中衆數十萬吳興太守謝邈永嘉太守司馬逸

嘉興公顧脣南康公謝明慧黃門郎謝冲張琨中書郎

孔道等皆為恩黨所殺邈冲皆安之弟子也時三吳承

平日久民不習戰故郡縣兵皆望風奔潰恩據會稽自

稱征東將軍逼人士為官屬號其黨曰長生人民有不

與之同者戮及嬰孩死者什七八醢諸縣令以食其妻

子

食祥吏翻

不肯食者輒支解之

支解者隨其支節解判若解牛然

所過拉

財物燒邑屋焚倉廩刊木堙井

孔安國曰刊槎其木也堙塞也

相帥聚

於會稽

帥讀曰率下同

婦人有嬰兒不能去者投於水中曰賀

汝先登仙堂我當尋後就汝恩表會稽王道子及世子

元顯之罪請誅之自帝即位以來內外乖異石頭以南

皆為荊江所據以西皆豫州所專

江水自荊江二州界入揚州界皆東北流

歷陽在江西連康在江東孫權築石頭城蓋據江津之要衝也

京口及江北皆劉牢之

及廣陵相高雅之所制朝政所行惟三吳而已

朝直及遙翻

孫恩作亂八郡皆為恩有

八郡會稽臨海永嘉東陽新安吳興義興也

畿內

諸縣盜賊處處蠭起恩黨亦有潛伏在建康者人情危

懼常慮竊發於是內外戒嚴加道子黃鉞元顯領中軍

將軍命徐州刺史謝琰兼督吳興義興軍事以討恩劉

牢之亦發兵討恩拜表輒行

牢之鎮京口

西秦以金城太

守辛靜為右丞相 十二月甲午燕燕郡太守高湖帥

戶三千降魏湖泰之子也

為後高歡篡魏
張本降戶江翻

丙午燕主

盛封弟淵為章武公虔為博陵公子定為遼西公 丁

未燕太后段氏卒謚曰惠德皇后 謝琰擊斬許允之

迎魏隱還郡進擊丘虓破之與劉牢之轉聞而前所向

輒克琰留屯烏程

烏程縣前漢屬會稽郡後漢屬吳郡魏晉以來屬吳興郡

遣司馬

高素助牢之進臨浙江

浙之
州翻

詔以牢之都督吳郡諸軍

事初彭城劉裕生而母死父翹僑居京口家貧將棄之

同郡劉懷敬之母裕之從母也生懷敬未晡走往救之

斷懷敬乳而乳之

從才用翻斷丁管翻上乳如字下乳人喻翻

及長勇健有

大志僅識文字以賣履為業好樗蒲為鄉閭所賤

長知兩翻

好呼到翻

劉牢之擊孫恩引裕參軍事

晉宋之制參軍不署曹者無定員

使

將數十人覘賊遇賊數千人即迎擊之從者皆死

覘丑兩翻

從才用翻

裕墜岸下賊臨岸欲下裕奮長刀仰斫殺數人乃

得登岸仍大呼逐之

呼火故翻

賊皆走裕所殺傷甚衆劉敬

宣怪裕久不返引兵尋之見裕獨驅數千人咸共歎息

因進擊賊大破之斬獲千餘人

劉裕事始此

初恩聞八郡響

應謂其屬曰天下無復事矣

又復扶翻

當與諸君朝服至建

康

言欲踐位也朝直遙翻

既而聞牢之臨江曰我割浙江以東不

失作句踐

欲如越王句踐保有會稽也句音鉤

戊申牢之引兵濟江恩聞

之曰孤不羞走

江表傳周瑜之破魏軍也曹公曰孤不羞走故恩引以為言

遂驅男

女二十餘萬口東走多棄寶物子女於道官軍競取之

恩由是得脫復逃入海島

復扶又翻下同

高素破恩黨於山陰

山陰縣屬會稽郡郡城以北皆縣界

斬恩所署吳郡太守陸瓌

瓌工回翻

吳興

太守丘厯餘姚令吳興沈穆夫

餘姚縣屬會稽郡在郡城東二百餘里

東

土遭亂企望官軍之至

企去智翻

既而宰之等縱軍士暴掠

士民失望郡縣城中無復人跡月餘乃稍有還者朝廷

憂恩復至以謝琰為會稽太守都督五郡軍事帥徐州

文武戍海浦

五郡會稽臨海東陽永嘉新安也今自甌山而東至蘭風石堰鳴鶴松浦蟹浦定海

皆海浦也帥讀曰率

以元顯錄尚書事時人謂道子為東錄元顯

為西錄西府車騎填湊東第門可張羅矣元顯無良師

友所親信者率皆佞諛之人或以為一時英傑或以為

風流名士由是元顯日益驕侈諷禮官立議以已德隆

望重既錄百揆百揆皆應盡敬

舜納于百揆禹宅百揆周官曰唐虞稽古建官

雖百內有百揆四岳外有州牧侯伯皆以百揆為官名孔安國曰揆度也舜舉八凱使揆度百事是古以百揆名官之義也晉人多以百揆為百官於是公卿以下見元顯皆拜時軍旅

數起國用虛竭自司徒以下日廩七升而元顯聚斂不

已富踰帝室

為元顯亡國敗家張本數所角翻斂力轉翻

殷仲堪恐桓玄

跋扈乃與楊佺期結昏為援佺期屢欲攻玄仲堪每押止之玄恐終為殷楊所滅乃告執政求廣其所統執政

亦欲交構使之乖離乃加玄都督荊州四郡軍事

執政謂元

顯荊州四郡謂長沙衡陽湘東零陵也

又以玄兄偉代佺期兄廣為南蠻

校尉佺期忿懼楊廣欲拒桓偉仲堪不聽出廣為宜都

建平二郡太守楊孜敬先為江夏相

夏戶雅翻相息亮翻

玄以兵

襲而劫之以為諮議參軍佺期勒兵建牙聲言援洛欲

與仲堪共襲玄仲堪雖外結佺期而內疑其心苦止之

猶慮弗能禁遣從弟邁屯于北境

邁以律翻雍州治襄陽在江陵之北

邁佺期佺期既不能獨舉又不測仲堪本意乃解兵仲

堪多疑少決

少詩
召翻

諮議參軍羅企生謂其弟遵生曰殷

侯仁而無斷必及於難

金去智翻斷丁
亂翻難乃旦翻

吾蒙知遇義不

可去必將死之是歲荊州大水平地三丈仲堪竭倉廩

以賑饑民

賑之
忍翻

桓玄欲乘其虛而伐之乃發兵西上

上時

掌翻亦聲言救洛與仲堪書曰佺期受國恩而棄山陵宜

共罪之

晉復洛陽以屬雍州統內
故玄以棄山陵罪佺期

今當入沔討除佺期

沔彌
充翻

已頓兵江口若見與無貳

與許也從也黨也
心持兩端為貳

可收

楊廣殺之如其不爾便當帥兵入江

入江則欲攻江陵
帥讀曰率下同

時巴陵有積穀玄先遣兵襲取之梁州刺史郭銓當之

官路經夏口

夏戶雅翻

玄詐稱朝廷遣銓為已前鋒乃授以

江夏之衆使督諸軍竝進密報兄偉令為內應偉遽

不知所為

遽急也亦急也

自齎疏示仲堪仲堪執偉為質

質音

致令與玄書辭甚苦至玄曰仲堪為人無決常懷成敗

之計為兒子作慮

為于偽翻

我兄必無憂也仲堪遣殷邁帥

水軍七千至西江口

水經江水東至長沙下鳥縣北湘水從南來注之江水又東左得二

夏浦註云夏浦俗謂之西江口

玄使郭銓符宏擊之

孝武太元十年符宏來奔處之江州

玄因以
為將

遁等敗走玄頓巴陵食其穀仲堪遣楊廣及弟

子道護等拒之皆為玄所敗

敗補
遁翻

江陵震駭城中乏食

以胡麻廩軍士

胡麻今謂之芝麻粒小於粟而黑可以為油九炊九曝以為飯食之使人不飢

康當作
粟給也

玄乘勝至零口

零口即靈溪
入江之口

去江陵二十里仲

堪急召楊佺期以自救佺期曰江陵無食何以待敵可

來見就共守襄陽仲堪志在全軍保境不欲棄州逆走

乃給之曰

給侍
交翻

比來收集已有儲矣

比毗至
翻近也

佺期信之

帥步騎八千精甲耀日至江陵仲堪唯以飯餉其軍佺

期大怒曰今茲敗矣不見仲堪與其兄廣共擊玄玄畏

其銳退軍馬頭

江陵縣南有江津成戌南對馬頭岸

明日佺期引兵急擊

郭銓幾獲之

義居依翻

會玄兵至佺期大敗單騎奔襄陽仲

堪出奔鄮城

鄮縣即蕭何所封之邑漢屬南陽郡晉分屬順陽郡鄮音贊

玄遣將軍

馮該追佺期及廣皆獲而殺之傳首建康佺期弟思平

從弟尚保孜敬逃入蠻中

從才用翻

仲堪聞佺期死將數百

人將奔長安至冠軍城

冠軍縣即霍去病所封之邑屬南陽郡其地在唐鄧州臨湍縣

南界冠古坑翻

該追獲之還至柞溪

水經註柞溪水出江陵縣北蓋諸池散流成所會合

續以成川東流逕驛路水上有大橋仲堪繼處也又東注船官湖柞子各翻又在各翻

逼令自殺

并殺殷道護仲堪奉天師道禱請鬼神不吝財賄而嗇

於周急好為小惠以悅人

好呼到翻

病者自為診脉分藥

診止

忍翻按脉以候病為診為子偽翻

用計倚伏煩密而短於鑒略故至於

敗仲堪之走也文武無送者惟羅企生從之路經家門

弟遵生曰作如此分離何可不一執手企生旋馬授手

遵生有力因牽下之曰家有老母去將何之企生揮淚

曰今日之事我必死之汝等奉養

企去智翻養羊尚翻下同

不失子

道一門之內有忠與孝亦復何恨

復扶又翻

遵生抱之愈急

仲堪於路待之見企生無脫理策馬而去及玄至荊州
人士無不詣玄者企生獨不往而營理仲堪家事或曰
如此禍必至矣企生曰殷侯遇我以國士為弟所制不
得隨之共殄醜逆復何面目就桓求生乎

復扶又翻下同

玄聞

之怒然待企生素厚先遣人謂曰若謝我當釋汝企生
曰吾為殷荊州吏荊州敗不能救尚何謝為玄乃收之
復遣人問企生欲何言企生曰文帝殺嵇康嵇紹為晉

忠臣

殺程康事見七十八卷魏元帝景元三年程紹死事見八十五卷惠帝永興元年

從公乞

一弟以養老母玄乃殺企生而赦其弟涼王光疾甚

立太子紹為天王自號太上皇帝以太原公纂為太尉

常山公弘為司徒謂紹曰今國家多難三隣伺隙

三鄰謂亮

髮乞伏殺業也難乃旦翻

吾沒之後使纂統六軍弘管朝政

朝直

汝

恭已無為委重二兄庶幾可濟

幾居依翻

若內相猜忌則蕭

牆之變旦夕至矣又謂纂弘曰永業才非撥亂

呂紹字永業

直以立嫡有常猥居元首

君為元首

今外有疆寇人心未寧

汝兄弟緝睦則祚流萬世

緝音作輯

若內自相圖則禍不旋

踵矣纂弘泣曰不敢又執纂手戒之曰汝性麤暴深為

吾憂善輔永業勿聽讒言是日光卒

年六十三

紹秘不發喪

纂排閤入哭盡哀而出紹懼以位讓之曰兄功高年長

長知兩翻

宜承大統纂曰陛下國之冢嫡臣敢奸之

奸音干

紹

固讓纂不許驃騎將軍呂超謂紹曰纂為將積年

驃匹妙翻

騎奇寄翻將即亮翻

威震內外臨喪不哀步高視遠必有異志宜

早除之紹曰先帝言猶在耳奈何棄之吾以弱年負荷

大任

荷下可翻

方賴二兄以寧家國縱其圖我我視死如歸

終不忍有此意也卿勿復言

復扶又翻下同

纂見紹於湛露堂

超執刀侍側目纂請收之紹弗許

為超終殺纂張本

超光弟寶

之子也弘密遣尚書姜紀謂纂曰主上闇弱未堪多難

難乃旦翻

兄威恩素著宜為社稷計不可徇小節也纂於是

夜帥壯士數百踰北城攻廣夏門弘帥東苑之衆斧洪

範門

王隱晉書曰涼州城東西三里南北七里本匈奴所築及張氏之世又增築四城箱各十步東城命

曰講武場北城命曰玄武園皆植園果有宮殿廣夏門洪範門皆中城門也帥讀曰率夏戶推翻

左衛

將軍齊從守融明觀

觀古圯翻

逆問之曰誰也衆曰太原公

從曰國有大故主上新立太原公行不由道夜入禁城

將為亂邪因抽劒直前斫纂中額

中竹仲翻

纂左右禽之纂

曰義士也勿殺紹遣虎賁中郎將呂開帥禁兵拒戰於

端門呂超帥卒二千赴之衆素憚纂皆不戰而潰纂入

自青角門升譙光殿

青角門蓋涼州中城之東門也譙光殿張駿所起自以專制河右而

世執臣節雖譙而光故以名殿

紹登紫閣自殺呂超奔廣武纂憚弘兵

彊以位讓弘弘曰弘以紹弟也而承大統衆心不順是

以違先帝遺命而廢之慙負黃泉

杜預曰地中之泉故曰黃泉

今復

踰兄而立豈弘之本志乎纂乃使弘出告衆曰先帝臨

終受詔如此羣臣皆曰苟社稷有主誰敢違者纂遂即

天王位

纂字永緒光之庶長子也

大赦改元咸寧謚光曰懿武皇帝

廟號太祖謚紹曰隱王以弘為大都督督中外諸軍事

大司馬車騎大將軍司隸校尉錄尚書事改封番禾郡

公

番音盤

纂謂齊從曰卿前斫我一何甚也從泣曰隱王

先帝所立陛下雖應天順人而微心未達惟恐陛下不

死何謂甚也纂賞其忠善遇之纂叔父征東將軍方鎮

廣武纂遣使謂方曰

使疏
吏翻

超實忠臣義勇可嘉但不識

國家大體權變之宜方賴其用以濟世難

難乃
旦翻

可以此

意諭之超上疏陳謝纂復其爵位

為超殺
纂張本

是歲燕主

盛以河間公熙為都督中外諸軍事尚書左僕射領中

領軍 劉衛辰子文陳降魏

降戶
江翻

魏主珪妻以宗女

妻
七

細翻拜上將軍賜姓宿氏

魏內入諸姓有宿六斤氏改為
宿氏蓋使文陳與之合族屬

四年春正月壬子朔燕主盛大赦自貶號為庶人天王

魏材官將軍和跋

漢置材官將軍領郡國材官士以出征師還則省晉魏以後置材官

將軍主工匠土木之事則漢右校令之任也

襲盧溥於遼西戊午克之

溥附燕見

上年禽溥及其子煥送平城車裂之燕主盛遣廣威將軍

孟廣平救溥不及斬魏遼西守宰而還 乙亥大赦

西秦王乾歸遷都苑川

乞伏氏本居苑川乾歸遷于金城今復都苑川

禿髮

利鹿孤大赦改元建和

高句麗王安事燕禮慢

句如字又

音駒麗力知翻

二月丙申燕王盛自將兵三萬襲之

將即以驃亮翻

騎大將軍熙為前鋒拔新城南蘇二城開境七百餘里

徙五千餘戶而還

還從宣銅
又如字

熙勇冠諸將盛曰叔父雄

果有世祖之風

慕容垂廟號世祖
冠古玩銅下同

但弘略不如耳

初

魏主珪納劉頭眷之女寵冠後庭生子嗣及克中山

中克

山見一百九
卷隆安元年

獲燕主寶之幼女將立皇后用其國故事

鑄金人以卜之劉氏所鑄不成慕容氏成三月戊午立

慕容氏為皇后

北史曰魏故事將立皇后必令手鑄
金人以成者為吉不則不得立也

桓玄既克荆雍

雍於
用銅

表求領荆江二州詔以玄為都督

荆司雍秦梁益寧七州諸軍事荊州刺史以中護軍桓

脩為江州刺史玄上疏固求江州於是進玄督八州及

揚豫八郡諸軍事復領江州刺史

復扶又翻

玄輒以兄偉為

雍州刺史朝廷不能遣又以從子振為淮南太守

玄既督八

州及揚豫八郡則西杜岷嶠東盩厔歷陽蕪湖皆其統內矣漢晉淮南郡本治壽春成帝時祖約蘇峻為亂胡寇又屢至民南渡江者轉多乃於江南僑立淮南郡後又割丹陽之于湖為淮南境玄遣振守之是追建康之漸也從才用翻

涼王纂以大司馬弘功高地逼忌之弘亦自

疑遂以東苑之兵作亂攻纂纂遣其將焦辨擊之

將即亮翻

弘眾潰出走纂縱兵大掠悉以東苑婦女賞軍弘之妻

子亦在中纂笑謂羣臣曰今日之戰何如侍中房晷對

曰天禍涼室憂患仍臻先帝始崩隱王廢黜山陵甫訖

大司馬稱兵京師流血昆弟接刃雖弘自取夷滅亦由

陛下無常棣之恩

左傳富辰曰召穆公思周德之不類糾合宗族於成周而作詩曰常棣之

華鄂不韡韡凡今之人莫如兄弟其四章曰兄弟閔于牆外禦其侮如是則兄弟雖有小忿不廢懿親

當

省已責躬以謝百姓

省志景翻

乃更縱兵大掠囚辱士女繫

自弘起百姓何罪且弘妻陛下之弟婦弘女陛下之侄

也奈何使無賴小人辱為婢妾天地神明豈忍見此遂

欽欽流涕

欽音虛欽許
既翻又音希

纂改容謝之召弘妻子寘於東

宮厚撫之弘將犇禿髮利鹿孤道過廣武詣呂方方見

之大哭曰天下甚寬汝何為至此乃執弘送獄纂遣力

士康龍就拉殺之

拉虛合翻

纂立妃楊氏為后以后父桓為

尚書左僕射涼都尹

涼都姑臧改武威
太守為涼都尹

辛卯燕襄平

令段登等謀反誅

涼王纂將伐武威王利鹿孤中書

令楊頴諫曰利鹿孤上下用命國未有釁不可伐也不

從利鹿孤使其弟倂檀拒之

倂奴沃翻

夏四月倂檀敗涼兵

於三堆

三堆在浩靈河南敗補遺翻

斬首二千餘級

初隴西李嵩

好文學有令名

嵩古老翻好呼到翻

嘗與郭磨及同母弟敦煌宋

繇同宿

磨奴昆翻致徒門翻

磨起謂繇曰君當位極人臣李君終

當有國家有騾馬生白額駒

騾馬牝馬也騾音課晉書作駒

此其時也

及孟敏為沙州刺史以嵩為效穀令

效穀縣自漢以來屬敦煌郡師古曰

本魚澤障也桑欽說孝武元封六年濟南崔不意為魚澤尉放力田以勤效得穀因立為縣名後周併入敦煌

縣宋繇事北涼王業為中散常侍

以中散大夫常侍左右也散惡重翻

孟

敏卒敦煌護軍馮翊郭謙沙州治中敦煌索仙等

索音各翻

以曷溫教有惠政推為敦煌太守

敦煌徒門翻

曷初難之會宋

繇自張掖告歸謂曷曰段王無遠略終必無成兄忘郭

磨之言邪白額駒今已生矣曷乃從之遣使請命於業

使疏吏翻

業因以曷為敦煌太守右衛將軍敦煌索嗣言於

業曰李曷不可使處敦煌

索昔各翻處昌呂翻

業遂以嗣代曷為

敦煌太守使帥五百騎之官

帥讀日率

嗣未至二十里移曷

迎已

未至敦煌纔二十里移書於曷使迎已也

曷驚疑將出迎之效穀令張

邈及宋繇止之曰段王闇弱正是英豪有為之日將軍

據一國成資奈何拱手授人嗣自恃本郡謂人情附已

不意將軍猝能拒之可一戰擒也曷從之先遣繇見嗣

咱以甘言

咱徒敢翻
又徒陷翻

繇還謂曷曰嗣志驕兵弱易取也

易以
鼓翻

曷乃遣邈繇與其二子歆讓逆擊嗣嗣敗走還張

掖曷素與嗣善尤恨之表業請誅嗣沮渠男成亦惡嗣

勸業除之業乃殺嗣

段業既失張掖又殺索嗣以自剪
其羽翼所以終死於沮渠蒙遜之

手惡鳥
路翻

遣使謝曷進曷都督涼興以西諸軍事鎮西將

軍

段業分敦煌之涼興烏澤晉昌之宜禾為涼興郡至
宇文氏併晉之廣至宜安淵泉合為涼興縣隋唐瓜

州之常樂縣
即其地也

吐谷渾視羆卒世子樹洛干方九歲弟

烏紇堤立妻樹洛干之母念氏生慕瓚慕延

瓚古
回翻

烏紇

堤懦弱荒淫不能治國

治直
之翻

念氏專制國事有膽智國

人畏服之 燕前將軍段瓌太后段氏之兄子也為段

登辭所連及五月壬子逃奔遼西

為後段瓌等弑盛張
本盛慙蘭汗嚴刑以

繩下亦終於身死人手人
而不仁疾之已甚亂也

丙寅衛將軍東亭侯王

珣卒 己巳魏主珪東如涿鹿西如馬邑觀鴈源

鴈力
水翻

戊寅燕段瓌復還歸罪

復扶
又翻

燕王盛赦之賜號曰思

悔侯使尚公主入直內殿 謝琰以資望鎮會稽

資謂門地

成資望謂時望會工外翻

不能綏懷又不為武備諸將咸諫曰賊近

在海浦伺人形便宜開其自新之路琰不從曰苻堅之

衆百萬尚送死淮南

琰與謝玄同破苻堅遂輕孫恩

孫恩小賊敗死入

海何能復出

復扶又翻下同

若其果出是天欲殺之也既而恩

寇浹口

浹口今在明州定海縣虎蹲山外浹即叶翻杜佑曰浹口在明州鄞縣東北七十里

入餘

姚破上虞進及邢浦

晉書曰邢浦去山陰北三十五里

琰遣參軍劉宣

之擊破之恩退走少日復寇邢浦

少詩沼翻復扶又翻下同

官軍失

利恩乘勝徑進已卯至會稽琰尚未食曰要當先滅此

賊而後食因跨馬出戰兵敗為帳下都督張猛所殺吳

興太守庾桓恐郡民復應恩殺男女數千人恩轉寇臨

海朝廷大震遣冠軍將軍桓不才

冠古
玩翻

輔國將軍孫無

終寧朔將軍高雅之拒之秦征西大將軍隴西公碩

德將兵五千伐西秦

五千恐
少當考

入自南安峽

南安峽在唐
秦州隴城縣

界德將
即亮翻

西秦王乾歸帥諸將拒之

帥讀
曰車

軍于隴西

楊

軌田玄明謀殺武威王利鹿孤利鹿孤殺之

隆安二年
楊軌降利

孤鹿 六月庚辰朔日有食之 以琅邪王師何澄為尚

書左僕射

晉諸王置師友文學各一人初避景帝諱改師為傳後以祧廟不諱復為師

澄準

之子也

何準見一百卷穆帝升平元年

甲子燕大赦

涼王纂將襲

北涼姜紀諫曰盛夏農事方殷且宜息兵今遠出嶺西

自姑臧西北出張掖其間有大嶺度嶺而西西郡當其要

禿髮氏乘虛襲京師將若

之何不從進圍張掖西掠建康禿髮得檀聞之將萬騎

襲姑臧纂弟隴西公緯憑北城以自固得檀置酒朱明

門上鳴鐘鼓饗將士曜兵於青陽門

朱明門姑臧城南門也青陽門東門

也傳如
沃翻

掠八千餘戶而去纂聞之引兵還 秋七月壬

子太皇太后李氏崩 丁卯大赦 西秦王乾歸使武

衛將軍慕兀等屯守秦軍樵米路絕秦王興潛引兵救

之乾歸聞之使慕兀帥中軍二萬屯栢楊

水經註伯陽水出伯陽谷

在董亭東又東有伯陽城城南謂之伯陽川蓋李耳西
入往邈所由故川原畝谷往往播其名後又訛為栢楊
五代志天水郡秦嶺縣後魏置伯陽縣隋開皇中
更名秦嶺唐併秦嶺入清水縣帥讀曰率下同 鎮軍

將軍羅敦帥外軍四萬屯侯辰谷乾歸自將輕騎數千

前候秦兵

將即亮翻騎奇寄翻下同

會大風昏霧與中軍相失為追

騎所逼入於外軍旦與秦戰大敗走歸苑川其部衆三

萬六千皆降於秦興進軍枹罕

降戶江翻枹音膚

乾歸奔金城

謂諸豪帥曰

帥所類翻

吾不才叨竊名號已踰一紀

孝武太元十三

年乾歸嗣國至是十三年

今敗散如此無以待敵欲西保允吾

允吾縣漢

屬金城郡晉志省劉昫曰唐鄯州龍支縣漢允吾縣允吾音鉤牙

若舉國而去必不得

免卿等留此各以其衆降秦以全宗族勿吾隨也皆曰

死生願從陛下乾歸曰吾今將寄食於人若天未亡我

庶幾異日克復舊業

義居希翻

復與卿等相見今相隨而死

無益也乃大哭而別乾歸獨引數百騎犇允吾乞降於

武威王利鹿孤利鹿孤遣廣武公傷檀迎之置於晉興

張軌分西平界置晉興郡關駟曰允吾縣西四十里有小晉興城傷奴沃翻

待以上賓之禮

鎮北將軍禿髮俱延言於利鹿孤曰乾歸本吾之屬國

因亂自尊今勢窮歸命非其誠款若逃歸姚氏必為國

患不如徙置乙弗之間

乙弗亦鮮卑種居西海北史曰吐谷渾北有乙弗勿敵國國有

曲海海周回千餘里種有萬落風俗與吐谷渾同北史又曰乙弗世為吐谷渾渠帥居青海號青海王

使

不得去利鹿孤曰彼窮來歸我而逆疑其心何以勸來

者俱延利鹿孤之弟也秦兵既退南羌梁戈等密招乾歸乾歸將應之其臣屋引阿洛以告晉興太守陰暢暢馳白利鹿孤利鹿孤遣其弟吐雷帥騎三千屯捫天嶺

捫天嶺在允吾東南

乾歸懼為利鹿孤所殺謂其太子熾磐曰

熾昌

志吾父子居此必不為利鹿孤所容今姚氏方強吾將

歸之若盡室俱行必為追騎所及吾以汝兄弟及汝母

為質

質音致

彼必不疑吾在長安彼終不敢害汝也乃送

熾磐等於西平八月乾歸南奔枹罕遂降於秦 丁亥

尚書右僕射王雅卒 九月癸丑地震 涼吕方降於

秦廣武民三千餘户奔武威王利鹿孤

吕方鎮廣武既降於秦其民無

主故奔
先髮氏

冬十一月高雅之與孫恩戰於餘姚雅之敗

走山陰死者什七八詔以劉牢之都督會稽等五郡帥

衆擊恩

會工外翻
坤讀曰年

恩走入海牢之東屯上虞使劉裕戍

句章

句章縣自漢以來屬會稽郡今
鄞縣以東定海昌國皆其地也

吳國內史袁崧築

滬瀆壘以備恩崧喬之孫也

袁崧當作袁山松滬瀆今
在平江府吳縣東陸龜蒙

敘矢魚之具云刊於海濱曰滬是瀆以此得名吳都
記松江東馮海名曰滬瀆與地志曰危業者濱海捕魚

之名并竹列於海中以繩編之向岸張兩翼潮上即受潮落即出魚隨海潮縱橫不得去名曰危瀆范成大吳郡志曰列竹於海濱曰滄吳之滄瀆是也自滄瀆沂松江至吳郡將門將門今訛為匠門袁喬見九十七卷穆帝永和二年

會稽世子元顯求領徐州詔以元顯為開

年三年

府儀同三司都督揚豫徐兗青幽冀并荆江司雍梁益

交廣十六州諸軍事領徐州刺史

莊於用翻

封其子彥瑋為

東海王乞伏乾歸至長安秦王興以為都督河南諸

軍事河州刺史歸義侯

此河南謂金城河之南

久之乞伏熾磐欲

逃詣乾歸武威王利鹿孤追獲之利鹿孤將殺熾磐廣

武公傳檀曰子而歸父無足深責宜宥之以示大度利

鹿孤從之

亮髮傳檀勸其兄宥熾磐而卒死於熾磐之手豈非養虎自遺患乎

秦王興

遣晉將劉嵩等二百餘人來歸

劉嵩等蓋因洛陽陷而沒於秦將即亮翻

北凉晉昌太守唐瑤叛移檄六郡

六郡蓋敦煌酒泉晉昌凉興建康祁連也

推李嵩為冠軍大將軍沙州刺史凉公領敦煌太守

嵩古

老翻冠古玩翻

嵩赦其境內改元庚子

北凉之地至此又分為西凉

以瑤為

征東將軍郭謙為軍諮祭酒索仙為左長史

索昔各翻

張邈

為右長史尹建興為左司馬張體順為右司馬遣從事

中郎宋繇東伐涼興并擊玉門已西諸城皆下之酒泉

太守王德亦叛北凉自稱河州刺史北凉王業使沮渠

蒙遜討之德焚城將部曲奔唐璠蒙遜追至沙頭大破

之沙頭縣本屬酒泉郡惠帝分屬晉昌郡沮子余翻將即亮翻虜其妻子部落而還

還從宣翻又如字十二月戊寅有星孛於天津天文志天津九星橫河中

一曰天漢一曰天江主四瀆津梁所以度神通四方也字滿內翻會稽世子元顯以星

變解錄尚書事會工外翻復加尚書令復扶又翻吏部尚書車胤

以元顯驕恣車尺進翻白會稽王道子請禁抑之元顯聞而

未察以問道子曰車武子屏人言及何事

車盾字武子
屏必即翻

道子弗答固問之道子怒曰爾欲幽我不令我與朝士

語邪

朝直
送翻

元顯出謂其徒曰車盾問我父子密遣人責

之盾懼自殺

問古
克翻

士辰燕主盛立燕臺統諸部雜夷

二趙以來皆立單于臺
以統雜夷盛仍此立之

魏太史屢奏天文乖亂魏主

珪自覽占書多云改王易政乃下詔風勵羣下以帝王

繼統皆有天命不可妄干

風讀
曰諷

又數變易官名欲以厭

塞災異

數所角翻厭於
葉翻塞悉則翻

儀曹郎董謐獻服餌僊經珪置

仙人博士立仙坊煮鍊百藥封西山以供薪蒸

西山平城西山

也毛晃曰蒸日薪細曰蒸

藥成令死罪者試服之多死不驗而珪猶

信之訪求不已珪常以燕主垂諸子分據勢要使權柄

下移遂至敗亡深非之博士公孫表希旨上韓非書

上時

掌勸珪以法制御下左將軍李粟性簡慢

粟或作粟

常對珪

舒放不肅咳唾任情

咳口慨翻

珪積其宿過遂誅之羣下震

栗

史言觀主珪恃暴于治

丁酉燕主盛尊獻莊后丁氏為皇太

后立遼西公定為皇太子大赦是歲南燕王德即皇

帝位于廣固

德字玄明統之少子也

大赦改元建平更名備德

工更

衡翻

欲使吏民易避

易以


追謚燕主暉曰幽皇帝以北地

王鍾為司徒慕輿拔為司空封孚為左僕射慕輿護為

右僕射立妃段氏為皇后



資治通鑑卷一百一十一



總校官庶吉士臣侍朝

校對官檢討臣王坦修

謄錄貢生臣張誠智